

Ilaqutariinnermut Peqqissutsimullu Naalakkersuisoq  
Landsstyremedlem for Familie og Sundhed

Inatsisartunut ilaasortaq Agathe Fontain  
Landstingsmedlem Agathe Fontain  
Inuit Ataqatigiit

## **Kalaallit Nunaanni tusilartut atugarisaat il. il. pillugit apeqquteqaat.**

Inatsisartut suleriaasissiani § 36 imm. 1 naapertorlugu allakkatigut 8. januar 2009-imeersutigut Kalaallit Nunaanni tusilartut atugarisaat pillugit apeqquteqarputit.

Apeqquteqaat:

Tusilartut atugarisai pitsanngorsaaviginiarlugit Naalakkersuisut qanoq pilersaaruteqarpat?

Akissut:

*Ullumikkut meeqqat tusilartut minnerit tamarmik cochlear implantatimik ikkussivigineqartarput, tusaasaqalernermut eqqaanartumik ikiorsiivigineqarsinnaanerannik kinguneqartumik. Taamaammat tusilartunik ikiorsiisarnermi periuseq naapertuuttoq ussersortarnermik ilinniarnermiit oqalunniarnikkut ilinniarnermut sammilernikuuvoq; taamaammallu siornatigut Sisimiunituut, tusilartunut ilinniarniup aallarteqqinnissaanut tunngavissaqarani. Aammattaaq meeqqat sapinngisamik illoqarfigisaminniiginnartassasut Naalakkersuisut isumaqarput, suliniarnerlu tassaniilluni, taamaalilluni meeqqat ataasiakkaat pisariaqartitaat aallaavigalugit, avatangiisit naleqqussakkat pilersinneqarsinnaaqqullugit.*

*Kalaallit Nunaanni tusilartut inuusuttut inersimasullu akunnerminni inooqatigiissutsikkut avatangiiseqarniarnerup tungaatigut ajornakusooqisumik inissisimapput, ikippallaarnertik aammalu siammaseqalutik najugaqarnertik pissutigalugu. Misiliilluni suliniut aallarnisarniarlugu ingerlatsisoqarpoq, anguniarneqarluni tusilartut webkamera atorlugu imminnut attaveqatigiittalernissaat; suliniutip allaaserineqarnera ilanngunneqarpoq. Aningaasaateqarfik aqputigalugu suliniummut aningaasaliissutissanik qinnuteqartoqarpoq, itigartitsissulli tigoqqammerparput. Taamaattumik allatigut qanoq iliorluta aningaasannanniarsinnaanerluta maannakkut ujartuivugut, tamatumani suliniutip piviusunngortinniarnerni Ilaqutariinnermut Peqqissutsimullu Naalakkersuisoqarfimmi Innarluutilinnut immikkoortortamit "Nasjonalt senter for telemedicin" Norgemiittoq suliniummik piviusunngortitsiniarnermi suleqatigineqarluni.*

*Tunngaviusumik isumaavoq suliniut iluatsissappat, teknikkikkut atortut periarfissaritarpassui aammaanneqassasut, assersuutigalugu ungasianiik*

14.01.2009  
J.nr. 01.20/2009

Postboks 260  
3900 Nuuk  
Oq/tel +299 34 50 00  
Fax +299 32 55 05  
[ipn@gh.gl](mailto:ipn@gh.gl)  
[www.nanoq.gl/ipn](http://www.nanoq.gl/ipn)

*atuartitsineq oqalutseqarnikkullu periarfissat; periarfissat taakkua tusilartut ulluinnarni atorluarsinnaavaat.*

Apeqqueteqaat:

Tusilartunut siunnersortitut atorfiup ilusilersorneqarnissaa qanoq takorloorneqarpa?

*Akissut:*

*Tusilartunut siunnersorti innarluutilinnik sullissisuni siunnersortinut allanut suleqataasassaaq, kisianni tusilartut pingaarnertut suliassa qarfigalugit, kommunit tusilartunillu sullissiviit siunnersortarlugit ilitersortarlugillu, naalakkersuisoqarfiup suliassaataanik isumaginninnittarluni, kiisalu inunnut tusilartunut inatsisit naapertorlugit ikiorsiisarnermi ilisimasalittut atuuttarluni, tusilartunut tunngasutigut inatsisissanik piareersaanermi inatsisiliornermilu suleqataasarluni, tusilartunut tunngasutigut pikkorissaanissanik piareersaasiornermi suleqataalluni, aamma Kalaallit Nunaanni tusilartunut tunngasutigut suliniutinut ataqtigiissaarisuulluni. Tusilartunut siunnersorti tusilartut akornanni attaveqatigiisitsisarpoq immikkullu pisoqartillugu aammattaaq tusilartumut oqaluttaasarluni.*

Apeqqueteqaat:

Tusilartunut siunnersortitut atorfik inuttalemiarlugu Naalakkersuisut sunik suliniuteqalersaarpat?

*Akissut:*

*Atorfik maj-juni qaammataanni 2008-imi aviisit nuna tamakkerlugu saqqummersartut aqqutigalugit allagarsiunneqarnikuuvoq; qinnuteqartunillu amerlanerusunik qinigassa qarniassamat Danmarkimi tusilartut aviisiatigut septemberimi 2008-imi aamma atorfik allagarsiunneqarluni. Tamatuma kingorna 1. december 2008-imi atuutilersumik tusilartunut siunnersortimik atorfinitsitsisoqarpoq.*

Inussiarnersumik inuulluaqqusillunga

Naja Petersen

Ilaqutariinnermut Peqqissutsimullu Naalakkersuisoq